



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

De Muta in Vilshouen.

urn:nbn:de:hbz:466:1-13591

signandum. Dat. in *Chrems*, per manus prothonotariorum Magistri *Wilhelmi* & Magistri *Gotschalci*, Anno Domini M. CC. LII. quinto Idus Decemb.

De duabus Hubis in *Geiseltorstorf*.

IN nomine Domini nostri Iesu Christi. Vniuersis præsentem paginam inspecturis, in verò salutari salutem. Cum felicis memoriæ vir strenuus *Vricus*, de *Leubolsingen* miles, solutus corpore huius vitæ carens ecclesiastica sepultura ferè per tria lustra existeret inhumatus *Almannus*, *Vricus* & *Heinr.* & *Hailka* eius hæredes apud venerab. in Christo Patrem, *Perchtoldum* Episcopum *Patau.* loci Dyocæsanum & Patrem venerab. *Albertum* Decanum ejusdem Ecclesiæ ipsius Episcopi vicem gerentem pro jam dicto Patre suo sepulcrum Ecclesiasticum impetrantes, in Monasterio sanctæ *Margarete* dictum *Osterhouen* Præmonstraten. ordinis ipsum optinuntur feliciter sepeliri. Et ut Patris ipsorum in eodem Monasterio à fratribus ibidem juxta militantibus fieret memoria sempiterna., iidem hæredes jam expressi duas hubas in *Geiseltorstorf* secus flumen *Chalbach* in parochia *Arnsdorf* pro remedio animæ Patris memorati jam dicto Monasterio possidendum perpetuo tradiderunt. Et quomodo sigilla propria non habebant, hanc donationem siue largitionem Capituli *Patau.* & ipsius al. Decani sigillis petiuerunt hæc omnia in testimonium roborari. Nos igitur *Al.* Decanus quia hæc omnia coram nobis ex subscriptis testibus solemniter acta sunt authenticantes hæc omnia & robor legitimum parantes eisdem præsentem paginam sigilli nostri & sigilli Capituli nostri munime duximus roborandam. Sunt autem huius rei hi testes, per omnia annotati, *Albertus* Tumblebanus Canonicus *Patau.* *Albertus* de *Iohentorf* ministerialis, *Wernhardus* *Chlosner*, *Wernhardus* *Preminger*, *Chunr.* *Heinr.* de *Iridernspach*, *Heinr.* *Faber*, *Engelbertus*, *Dietmarus*, *Albertus*. Acta sunt hæc *Pat.* in domo Domini Decani in præsentia Præpositi & fratrum suorum de *Osterhouen* VI. Idus Decemb. anno Dominicæ Incarnationis M. CC. LIII. Indictione XII.

Relaxatio minuti seruitij duarum Hubarum.

Hermannus Dei gratia *Babenbergen.* Episcopus, dilectis in Christo, Præposito & toti Conuentui sanctæ *Margarete* in *Osterhouen*, salutem cum sincera in Domino charitate. Cum ecclesiis ad nos immediate spectantibus semper velimus in quantum possimus, manum porrigere ad iuricem, ecce de illis duabus hubis, quas à prædecessoribus nostris in *Osterhouen* ad jus hæredit. habuistis vobis pro tempore vitæ nostræ census minutos & obsequia remittimus, ita videlicet, ut majora triticum videl: frumentum., ac auenam & consimilia nobis vel officialibus nostris, more solito singulis annis soluere nullo modo negligatis. Et hoc per præsens scriptum nostro roboratum sigillo., vniuersis officialibus nostris ac aliis volumus esse notum. Datum in *Altach*, Anno Domini M. CC. LIV. in die beati *Martini* Episcopi.

De Muta in *Vilshouen*.

NOs *Heinr.* Dei gratia Comes Palatinus *Reni* Dux *Bauaria.* Vniuersis ad quos præsens littera deuenit notum fieri volumus, & præsentem litteram declaramus, quod nos de communi sensu nostrorum consulum, dilectis & venerabilibus Præposito & Conuentui in *Osterhouen* hanc fecimus gratiam specialem., quod

quod in Muta nostra *Vilshouen*, vinum ipsorum sine exactione liberum habeat
transicum & securum siue per terram transeat vel per aquam. Vt autem talis no-
stra donatio ipsis permaneat inconuulsa, presentem litteram cum sigillo no-
stro roboratam ipsis in testimonium tradimus & donamus. Acta sunt hæc in
Osterhouen, anno Domini, M, CC, LVI, IV, Idus Decembris.

Relaxatio maioris & minuti seruitij per
quatuor annos.

Berchtoldus Dei gratia *Babenberg*. Episcopus. Vniuersis præfens scriptum in-
specturis salutem in Domino. Quia viri venerabiles fratres Monasterij in
Osterhouen. nobiscum & cum nostris fecerunt expensas sumptuosas. Nos ad
recompensationem ipsis fratribus faciendam concessimus eis vt duos mansus
de quibus pensionem seu censum annuum nobis soluunt teneant, à festo Nati-
uitatis Domini nunc instanti per quatuor annos continuos ab omni censu,
pensione & seruitio maiori & minori, liberos & quietos. Quibus annis peractis
soluant pensionem & seruitium maius. A minori verò seruitio perpetuo sine
quieti. In cuius rei testimonium præfens scriptum ei dedimus nostri sigilli mu-
nimine roboratum. Datum *Osterhouen* anno Domini M. CC. LIX. XI, Kalend.
Ianuar.

Relaxatio minuti seruitij de duobus
hubis.

NOS *Berchtoldus* Dei gratia *Babenbergen*. Episcopus. Tenore præsentium
constare volumus vniuersis, quod nos attendentes grata & sumptuosa ser-
uitia, quæ viri religiosi fratres Monasterij in *Osterhouen*, nobis & nostris familia-
ribus frequenter impendunt. Concedimus ipsis vt de duobus mansis quos
sub censu annuo & seruitiis à nobis tenent certis minora seruitia sibi retineant,
& ab ipsorum præstatione perpetuo sint immunes, maioribus seruitiis nobis
remanentibus in statu debito & consueto. In cuius rei testimonium præsentem
paginam eis dedimus nostri sigilli munimine roboratam. Datum anno Domini
M. CC. LIX, XI. Kln. Ian.

De annis quibus cessauit Aduocatia,

NOS *Berchtoldus* Dei gratia Episcopus *Babenberg*. Vniuersis tenore præsen-
tium volumus esse notum quod super dissensione quæ inter nos & nobilē
virum *Albertum* de *Hals* oriebatur talis ordinatio interuenit. Primum qui-
dem dictus *Albertus* cessit omni iuri, quod sibi in cūrte nostra *Mulbaim* vendi-
cabat, & eam nobis dimisit in perpetuum liberam & quietam. Item homi-
nes nostros vniuersos, & homines Monasteriorū in *Osterhouen* & in *Aspach* in-
quibus ipse ius aduocatiæ à nobis tenet, dimisit liberos & quietos ab omnibus
hospitalitatis & steurarum incommodis, ac aliis quibuslibet vexationibus. A fe-
sto Purificationis proximo per duos annos continuos, sed tamen antiquū & de-
bitum aduocatiæ ius debet percipere ab eisdem. Item nullos de seruis locabit in
foro *Osterhouen*, sed & locatos remouebit, præter eos qui proprietatem seu feoda
hereditaria ibi tenent, nec ibidem ii tabernas exercebunt nec alias erunt
hominibus nostris graues. Adhuc super iure quod ipse al. dicit se habere in
castro